

meister einen guten/trewen/fleissigen/vorsichtigen vnd sitsamen Eynkauf-
ser hat/ so sol er jn auch darnach halten/ mit guter Besoldung vnd Schän-
ckungen/ vnd andern ehrlichen Fördernüssen / dermassen verschen vnd be-
gaben/ vnd mit ihm so freundlich/ sitsam vnd bescheidenlich vmbgehen/ da-
mit er also nit allein in seinem trewen/fleissigen Dienst sein williglich/ tresp-
lich vnd bestendiglich fortzufahren/ sondern auch von Tag zu Tag denselbi-
gen/ wo möglich/ mit mehrerer tresp zu verbessern/genugsame vrsachen vnd
anreizung spüren vnd haben möge.

Vom Mundtfoch.

Das III. Capitel.



Sist an einem Mundtfoch/welchem Fürsten vnd Herren sich vertrauwen müssen/ nicht weniger/ sondern mehr dann an allen andern Dienern / sie seyen so hoch vnd geheim als sie immer mögen/gelegen. Darumb solein Mundtfoch ein sein ehrli- cher/ansehenlicher/auffrichtiger/treuswer/gesunder/sauberer/fleissiger/freundlicher/vnd im Kochen ein wolerfahrner/ geschickter vnd geübter Mann seyn/ vnd dieweil jm ein hohes schweres Amt beföhlen vnd vertrautet ist/ so sol er sich vmb so viel desto freundlicher/gütiger/williger/bescheidenlicher/sanftmütiger vnd Gottsförchtiger/in allem seinem thun vnd lassen erzeigen/vnd seines Herrn Herz vnd Gemüt mit seinem wolthaten/trewen fleiß/ehrbar Gottsförchtigen handel/wandel vnd leben/dermassen eynnemmen vnd versichern/ dass er jm daher gnedig vnd günstig zu seyn/ vnd alles guts anzutrawen/billich vnd hoch genugsam georsachet werde. Es solein Herr nicht leichtlich einen Koch/ so ein Wein vnd Bollsauf- ser/ vnd sich mit Wein auf dermassen zu überfüllen gewehnet ist/ welcher viel ehe/als die Vorspeiß/gekochet sey/annemmen vnd halten. So auch der

Ober